

Skupština Bosansko - podrinjskog kantona Goražde na _____ sjednici održanoj 21.02. 2017. godine a na osnovu člana 106. i 109. Poslovnika Skupštine Bosansko-podrinjskog kantona Goražde („Sl. novine Bosansko-podrinjskog kantona Goražde“ broj: 10/08 i 1/15), **donosi:**

ZAKLJUČAK

1. Zadužuje se Vlada Bosansko-podrinjskog kantona Goražde da u skladu sa Strategijom razvoja Bosansko-podrinjskog kantona Goražde za period 2016-2020. godina sačini Akcioni plan za jačanje sektora zdravstvene zaštite na području BPK Goražde u koji se obavezno moraju unijeti mjere koje se odnose na:

a) Kadrovska pitanja (ljudski resursi) koja obuhvataju:

- Analizu postojećeg stanja u zdravstvu BPK Goražde sa aspekta medicinskog i nemedicinskog kadra sa posebnim osvrtom na potrebe u stručnom medicinskom kadru (doktori i spec.doktori i subspecijalisti) sa planom specijalizacija, subspecijalizacija i edukacija za naredne četiri godine. U sklopu ove mjere, izvršiti reviziju ugovora o dosadašnjim specijalizacijama s akcentom na nepoštivanje obaveza ugovora.
- U Analizi obavezno obuhvatiti i odnos medicinskog i nemedicinskog osoblja, te plan penzionisanja.
- U cilju realizacije ove mjere, u Budžetu BPK Goražde planirati sredstva za specijalizacije i subspecijalizacije onih medicinskih grana za koje analiza postojećeg pokaže stanja da su deficitarne.
- Kao kratkoročnu mjeru predvidjeti obavezu Kantonalne bolnice Goražde da obezbijedi angažman nedostajućih ljekara specijalista i subspecijalista za čiji rad postoje medicinske i tehničke pretpostavke, a pacijenti se zbog nedostatka istih upućuju u druge medicinske centre.

b) Organizaciona pitanja, koja obuhvataju:

- Analizu organizacije zdravstva na području BPK Goražde, naručito s aspekta funkcionalnosti zdravstvenih ustanova na području Kantona, a uzimajući u obzir i reformske procese u ovoj oblasti na nivou Federacije i države BiH, uz pažljivu analizu prijedloga iz Reformske agende koji se odnose na ovu oblast.
- Vlada BPK Goražde i Općina Goražde kao osnivači JZU Kantonalna bolnica Goražde i JU Dom zdravlja Goražde, putem svojih mehanizama (Upravni odbori i menadžmenti), inicirat će da se rad Službe hitne medicinske pomoći uskladi sa odredbama Zakona o zdravstvenoj zaštiti FBiH.
- Iznaci najoptimalnije rješenje i opremiti i staviti u funkciju nadograđeni treći sprat JZU Kantonalna bolnica Goražde.
- Vlada BPK Goražde, u suradnji sa Općinom Goražde, a na bazi svih dosadašnjih aktivnosti, predložit će najoptimalniji način rješavanja liječenja dijaliznih pacijenata (poseban centar, u sklopu neke zdravstvene ustanove, javno-privatno partnerstvo ili drugo).

c) Nabavka i znavljanje medicinske opreme

- Akcioni plan mora sadržavati i mjere koje se odnose na nabavku i znavljanje neophodne medicinske opreme, uz tačno preciziranje o kojoj se opremi radi a čijom će se nabavkom unaprijediti zdravstvene usluge i ponuda, a u isto vrijeme vršiti ušteda, jer se pacijenti neće morati upućivati u druge medicinske centre.
- Akcionim planom treba da se predvidi da će se u Budžetu BPK Goražde planirati sredstva za ove namjene (jer je ovo zakonska obaveza osnivača), kao sredstva za nabavku ili eventualno učešće u nekom drugom finansijskom angažmanu vezano za nabavku

medicinske opreme. Istu ovu obavezu sugerisati i općinama kao osnivačima domova zdravlja.

- Razmotriti mogućnost povoljnog kreditiranja ili ugovora o finansijskom lizingu za nabavku neophodne medicinske opreme.

d) Finansiranje

- U suradnji sa Zavodom zdravstvenog osiguranja BPK Goražde predložiti najoptimalniji način finansiranja zdravstva i zdravstvenih ustanova na području BPK Goražde uz uvažavanje pozitivnih zakonskih propisa u ovoj oblasti, a prije svega Jedinственe metodologije kojom se bliže utvrđuju kriteriji i mjerila za zaključivanje Ugovora između nadležnog Zavoda i zdravstvenih ustanova.
- Naložiti izradu mjera ušteta i racionalizacije, kako u zdravstvenim ustanovama, tako i u Zavodu zdravstvenog osiguranja, te mjere koje će povećati prihode Zavoda zdravstvenog osiguranja.
- Utvrditi obavezu zdravstvenih ustanova za uvođenjem trezorskog načina poslovanja, te uvesti mehanizme internih i eksternih revizija u poslovanje svih zdravstvenih ustanova.
- Predvidjeti izradu Planova borbe protiv korupcije u zdravstvu, te uspostavljanju efikasnih mehanizama za prevenciju i sprečavanje iste.

e) Druge mjere

- U Akcionom planu predvidjeti i druge mjere čiji je cilj uspostava efikasnijeg i boljeg sistema zdravstvene zaštite na području BPK Goražde, te je u tom smislu potrebno provesti zakonsku obavezu izjednačavanja privatne sa javnom praksom, uz dosljedno poštivanje zakonskih obaveza koje se odnose na mogućnost istovremenog rada i u javnom i u privatnom sektoru.
- Potrebno je nastaviti s procesom informatizacije u oblasti zdravstva, te uvođenjem elektronskih kartica.
- Posebnu pozornost obratiti na reformske procese u ovoj oblasti, naročito s aspekta finansiranja, te predvidjeti zaštitne mehanizme za BPK u slučaju reformskih procesa koji bi mogli ugroziti dosadašnji dostignuti nivo zdravstva u BPK.

2. Nositelj izrade Akcionog plana je Vlada Bosansko-podrinjskog kantona Goražde putem resornog Ministarstva za socijalnu politiku, zdravstvo, raseljena lica i izbjeglice. U izradu Akcionog plana uključiti Kantonalni zavod zdravstvenog osiguranja, menadžmente zdravstvenih ustanova, predstavnike strukovnih udruženja iz oblasti zdravstva, te druge po potrebi i ocjeni Vlade BPK Goražde.
3. Rok za izradu Akcionog plana je 30 (trideset) dana od dana donošenja ovog Zaključka.
4. Skupština BPK Goražde daje saglasnost na Akcioni plan za jačanje sektora zdravstvene zaštite u BPK Goražde.
5. Zaključak stupa na snagu danom donošenja a naknadno će se objaviti u („Službenim novinama BPK Goražde“).

PREDSJEDAVAJUĆA SKUPŠTINE

Aida Obuća